

張
蛻
菴
詩
集

經世文獻集

張
蛻
庵
詩
集

四部叢刊續編集部

上海涵芬樓
景印常熟瞿
氏鐵琴銅劍
樓藏明刊本

潞國公張虬菴詩集序

嗚呼詩豈易言也哉大雅希聲宮徵相應與三
光五嶽之氣並行天地間一歌一詠陶冶性靈
而感召休徵其有關於治教功亦大矣然自刪
後至于兩漢正音猶完建安以來寢尚綺麗而
詩道微矣魏晉作者雖優不能兼脩諸體其鏗
鏘軒昂上追風雅所謂集大成者惟唐有以振
之降是無足采焉逮及于元靜脩劉公復倡古

作一變浮靡之習子昂趙公起而和之格律高
深視唐無媿至若德機范公之清淳仲和楊公
之雅贍伯生虞公之雄逸晏碩揭公之森嚴更
唱迭和於廼祐天曆中足以鼓舞學者而風厲
天下其亦盛矣哉河東仲舉張公生於數君子
之後以詩自任五十餘年造語命意一字未嘗
苟作至正丙午春其方外友廬陵北山杓禪師
以公手藁選次而刊行之來徵言為序余猶記

公之言曰王者迹熄而詩亡詩未嘗亡也而所以為詩者亡矣善賦之士往々主乎性情工巧非足尚蓋性情所發出於自然不假雕繪觀公之詩知公之所畜厚矣春空游雲舒歛無跡此其冲澹也昆侖雪霽河流沔天此其渾涵也灝氣橫秋華峰玉立此其清峭也平沙廣漠萬馬驟馳此其俊邁也風日和煦百卉競妍此其流麗也寫情賦景兼得其妙讀之使人興起誠為

一代詩豪矣。願余謝材何足。以鋪張盛美。然託
契於公。非一日而又重北山之高誼。不得辭。姑
僭序之以冠篇首。云。豫章沙門釋蒲菴來復
序。



蛻菴詩卷之一

衡山釋大杼北山編集

五言古詩

獨酌謠

有酒且一醉有歌且一謠
杯盡當再沽瑟罷須重調
生足意自適身榮心苦焦
所以黎首人多在於漁樵
一謠仍一酌且復永今朝
明朝未可料況乃百歲遙
所願花長開美酒長滿瓢
靜疑太古調散覺神理超
近識南郭叟得酒時見招
盡醉即高卧誰能慕松喬

古鏡

古鏡色如墨照人不見形
我照乃見心洞徹天地明
此明非外來此墨非內有
自是世上人惟將照妍醜

題林大用隱居飯牛山

山田多白石陽坡足豐草瘦地費牛力飯之當宿飽近午牛背
熟出畊須及早解紉休樹陰念此敲鯨老隱君抱正學消搖事
幽討商歌子齊霸戚也豈知道

安童都事字鼎新号太虛徵予賦之

集賢院

太虛本無象何有倪與端至理妙自然萬化孰控搏天地亦一
物而在虛空間所以豪桀士不受世網干脫迹形器表出入凌
汗漫鸞鵠為我導雲颿作之翰仰攀霄衢轡俯濯鳳池瀾綠文
粲瑤甌高咏瀛洲山冥心合玄想坐以空洞觀琳腴薦朝食紫
金咀神丹無待無窮外浩然與之還

中秋望月

常年見明月不飲亦清歡詎意有今夕照此長恨端近聞錢唐
破汴血城市丹官軍雖殺賊斯民已多殘不知親與故零落幾
家完聚圓庭中影對酒起長歎死生兩莫測欲往書問難仰視

雲中鴈安得託羽翰淒其衰謝踪有泪徒闌干山中松筠地棄
置誰與看河漢變夜色西風生早寒累觴不成醉百念摧肺肝
送客齊化門東馬上即賦

白楊多悲風黃葉滿行路荒溝寒水碧亂石且無數我興遠送
別駐望生百慮欲往豈不懷畏此簡書故遙墟烟上歷歷鳴
鴈度秋景倏已短歸人駸車去勞歌一悽然回首重愁莫

陽曲薛義士旌表詩卷

至正二年事十一
其里人趙時昭求題

上天久無雨南風日吹沙旱氣彌熾六月稻不花晉土素境
瘠如此歲食何上官方勸分輔也

薛義士名

起歎嗟發帑捐積鏹耀

粟來連車吾鄉忍溝壑哺爾萬口呀厚澤田里被頌聲父老誇
具備世弗務征歛惟紛拏遂令活人功乃出一士家不知時有
司視此無愧耶我作義辭詩好德良可嘉願言講荒政生意當
無涯

前出軍五首

前軍紅衲袍朱絲擊彭排後軍細鎧甲白羽攢韉轡輜輶車左右
馳萬馬擁長街送行動城郭斗酒飲同儕壯士當報國母為鄉
故懷

鍛鍊作佩刀磨石為箭鏃中軍把轅門前豎千尺燾朝上盧溝
橋夕次洵河曲超乘既誇勇騁馬復齊足男兒不封侯百年同
視肉

昨日發萬軍今日發萬軍明日發萬軍梟騎來群々馬蹄所經
過黃埃蕩成雲堆糧與作餘倒樹與作薪道途行者絕那得有
居人

大軍北庭來部伍各有屯放馬原隰枯磨刀河水渾行々且射
獵雉兔不復存野次群駝卧弓箭掛車轅幽々笛聲起日莫傷
人魂

京師少年子膽氣乃麤豪傾金售寶劍厚價買名刀白氎作行
帳紅綾製戰袍結來往從軍談笑取功勞當時霍驃姚豈在學
戎韜

後出軍五首

步卒僉楚健長刀短甲衣大叫前搏敵跳蕩如鳥飛左提血髑
髏右奪賊馬歸黃金得重賞願盼生光輝爾輩疾歸命將軍是
天威

我軍城東門呼聲震屋瓦百萬山壓來此賊何足打狂鋒尚力
拒轉鬪血噴洒城中有暗溝多陷人與馬將令毋輕入明當一
鼓下

先鋒才攻門後軍已登陴拔都怕死直上牽賊旗馬前獻逆
首脚下踏死屍長河走敗船疾遣飛將追幙中作露板應有傳
脩期

行々鍊兜牟隊々金駱駝鳴々吹銅角來々齊唱歌捲戎面如
虎指顧揮琯戈馬蹄無賊壘手筆可填河王師本無敵安用戰
圖多

魔賊生汝亭獠賊起千海嬰鏖天狗墮觸網奔鯨賊徐方一戰
收振旅已奏凱江浙塵既清豫章圍亦解諸將如竭力削平行
可待

鄒農嘆

鄒南有農者家董一兩車王師征淮蔡官遣給軍儲翁無應門
兒老身當一夫勞々千里役泥雨半道途到軍遭焚烹翁脫走
故間車牛力既盡戶籍名不除府帖星火下爾乘仍往輸破產
不重置答箠無完膚翁復徒手歸涕泪滿敝襦問家墻屋在榆
柳餘殘株野雉雒梁間狐狸穴階隅老妻出傭食四顧蓬蒿無
有司更著役我實骨髓枯仰天哭欲死醉吏方歌呼

雜詩

先人有夙訓聞在幼壯時豈意衰莫日乃復親驗之茫々上天
理詎可私臆知百年大化中汭浪後推移信彼杞憂者徒為衆
所嗤

叔子隣家兒探環記前身次律求師後一悟了宿因我亦清源
洞蛻骨岩下人誤墮聲利區駈馳喪其真所以付樽酒都忘賤
與貧惜無還丹術高舉遺世塵悠悠笙鶴期曠望三山津

寒日迫縣車寸陰老逾惜晨趨理公務莫返親墳籍究往發孤
憤思來抱深惕理愜復相忘神飭聊一息湛然擁襟坐栩栩鼻
端白千齡與化終不朽在方策聖哲有明訓學道度日益

寒夜何晶々中庭積繁霜天風下河漢萬里汭玉光羽衣四三
人各乘白鳳皇笙響發空際游雲高駝翔無緣執霞佩擘結双
明璫願托月中桂終古有餘芳

隴阪何崎嶇行人且復止直上望秦川遙憶鄉里不離肝腸
斷悲歌不能已一身已歿征求念同室子何殊轉蓬科隨風四
散起雖得同根生不得同根死吾恐古今泪多於隴頭水
春江採芳草將以伸繾綣初期拾翠洲復道滋蘭畹美人隔花
深歌竟瑤瑟偃臨汜不可見忽恍心未穩佳時難驟得鸚鵡鳴
已晚祇有千古思餘楚波遠

黎丘之丈人歸路逢奇鬼既為鬼所惑又復鬼其子夏南消蜀
梁俯影明月裏背走謂伏鬼而又鬼諸已此皆非鬼者特以疑
故死憧、姦佞徒情狀真鬼爾匿跡不自慙胡為滿朝市
河淮厭兵禍城邑多荒榛百里無幾家但見風起塵燕雀歸巢
樹豺虎飢食人鄉來脂膏地死骨今如銀汜亡使復業牛種當
及春安得百壘召錯洛為拊循征討尚未息奈何爾遺民

五言長律

元日靈臺官以初四日巳酉時享遂以歲除日受誓
于中書廨免朝賀紀詩八韻

清廟當春享彤庭放早朝
扈鳴更曆正龍集轉寅杓
瑞日開黃道卿雲映絳霄
八方周象譯九奏舜韶爐
煖香生木杯紅酒況椒新
符欐壘換候琯女夷調有
待寬書下行看戰甲銷衰
年今可引歸老故山樵

分題送京兆趙畊師尹之臨安路帥府照磨得通海湖
萬頃平湖碧浮光映次寮
秀山純浸影滄海暗通潮
瘴黑雲相蕩春澄雪未消
潤沾蒙部闊川合弭河遙
秔稻收田利蒲魚入市饒
雨歸龍氣溫晴浴鶴媒驕
夾樹迷深箬杯花落野椒
氎來蠻婦漂舩放黠僮
撓艣闌開荒甸英材屈下
僚此心同逝水日夜向東
朝